



**Ama qhapaq kanaykipaq llank'aychu,
yachayniykimanta saqey.
¿Mana kaqtachu qhawarinki?
Qhapaq kaykunaqa cheqaqtapunin
raphraman tukupunku;
hanaq pachamanmi ataq hina phawanku.**

PROVERBIOS 23:4-5



Hinan Jesusqa paykunata nirqan: -Cuidakuychis, munapayaymanta cuidakuychis, runaq kawsayninga manan askha kapuqninkunawanchu tupan, nispa. Hinaqtinmi Jesusqa huk rikch'anachiyta paykunata nirqan: -Huk qhapaq runaq hallp'anmi askha rurukunata ruruchirqan. Paytaq nirqan: -Kaytan ruwasaq, graneroykunata thunispa aswan hatunta hatarichisqa, nispa. chaypitaqmi llapa ruruykunata, kapuqniykunatawan qosaq, nispa. Hinan almaytapas nisaq: Alma, askha watakunan askha kapuqniykikunata waqaychanki. hawkalla kay, mikuy, ukyay, kusikuy, nispa. Diostaq payta nirqan: -Mana yuyayniyoq, kunan tutan almaykita qechusunki, ¿piqpaqtaq chay qosqaykiqa? Saynallataqmi kikinpaq qhapaq kayta huñuqqa, manataq Diospa qayllanpi qhapaqchu. LUCAS 12:15-21

...Wawakuna, ¡mayna sasaraqmi qhapaq kaypi confiaqkunapaq Diospa qhapaqsuyunman haykuyqa! MARCO 10:24

¿Imapaqtaq runaqa tukuy kay pachata ganaspa kikinpa almanta chinkachinman? Icha, ¿imatataq runaqa almanpa rantinpi qunman? MARCO 8:36-37

Qolqeta munakuqqa manan qolqewanqa saksanqachu. Amataq miraywan askhata munakuqpas. ECLESIASTOS 5:10

Munakuyniykitaqa hanaq pachapi kaqkunapi churay,
ama kay pachapi kaqkunapichu. COLOSOS 3:2

Ichaqa kusikuywan Dios sonqo kayqa hatun ganancian.
Kay pachamanqa manan imatapas apamurqanchischu,
manataqmi imatapas apayta atisunmanchu. Mikhuna
p'achayoq kaspapas chaywan kusion kasun.

1 TIMOTEO 6:6-8

Ama sarunchakuypi hapipakuychikchu, amam
suwakuypiq yanqallachu kaychik. SALMO 62:10

Suwaqqa amaña suwakuchun, aswanpas llank'achun,
makinwan allin kaqta llank'ananpaq, necesitakuqman
qonanpaq. EFESIO 4:28

Kapuqniykichista vendespa limosnata qoychis.
Mana machuyaq bolsakunata, hanaq pachapi mana
tukukuq qhapaq kayta, maymanchus mana suwa
asuykunchu, nitaq ch'uspiyas waqllichinchu. Maypichus
qhapaq kayniyki kashan chayqa, chaypin sonqoykipas
kanqa. LUCAS 12:33-34

Limosnata qoqtiykiqa, ama lloq'e makiykiqa
yachachunchu paña makiyki ruwasqanta, limosnayki
pakallapi kananpaq, pakallapi rikuk Yayaykitaq sut'ita
pagasunki. MATEO 6:3-4

Kusisamiyoqmi wakchakunata piensaqqa, Sasachakuy
tiempopipas Señormi qespichinqa. SALMO 41:1

Wakchakunata, mana tayta-mamayuqkunatapas
defiendeychik, ñakariqkunatapas, mana tayta-
mamayuqkunatapas chaninchaychik. SALMO 82:3

Qhapaq kayninpi hap'ipakuqmi urmapunqa; Chanin
runakunan ichaqa k'allma hina t'ikarinqaku.
PROVERBIOS 11:28

Kanmi qhapaqyaq runaqa, ichaqa manan imayoqpaschu,
kanmi wakchaman tukuq, ichaqa askha qhapaq
kayniyoqmi. PROVERBIOS 13:7

Pipas runamasinta pisichaqqa huchallikun, wakchata
khuyapayaqqa kuisamiyoqmi. PROVERBIOS 14:21

Wakchakunata khuyapayaqqa Wiraqochamanmi manukun.
Chay qosqantapas kutichipunqa, nispa. PROVERBIOS 19:17

Ancha qhapaq kaymantaqa allin sutiqa akllasqa kaymi,
qolqemanta qorimantapas munakuywan allinpaq
qhawarisqa kaymi. PROVERBIOS 22:1

Achka ñawiyuqqa saminchasqam kanqa.
Wakchakunamanmi t'antanmanta qon, nispa.
PROVERBIOS 22:9

Wakchaman qoq runaqa manan pisingachu, ñawinta
pakaqmi ichaqa askha ñakasqa kanqa. PROVERBIOS 28:27